





Cordial beinvegni el center da pleiv AUA VIVA a Mustér. Nus havein plascher d'astgar beneventar Vus, sperond che Vus sesenties bein e che nossa casa adempleschi Vossas spetgas. Nus segidein bugen cun las visetas d'ordeifer ed intermediein sin giavisch albiert entras Sedrun Disentis Tourismus. Per Vossas occurrenz, fiastas ni seminars stattan tut las localitads publicas sco era igl indrez ordeifer a Vossa disposiziun.



PLEIV EVANGELICA REFORMADA DALLA CADI  
EVANGELISCH-REFORMIERTE KIRCHGEMEINDE DER CADI  
VIA RAVERAS 25 + CH-7180 DISENTIS/MUSTÉR  
TEL/FAX +41 (0)81 947 44 10 + INFO@AUAVIVA-CADI.CH  
WWW.AUAVIVA-CADI.CH

- 1 entrada principala
- 2 entrada per locataris sur la terrassa cuvretga
- 3 via d'entrada per locataris
- 4 sutterran per velos
- 5 parcadi
- 6 foyer: 40 qm
- 7 sala polivalenta: 100 qm  
selai parter en dus locals:  
A: 65 qm  
B: 35 qm
- 8 cuschina: 20 qm cun sortida separata
- 9 magasin da mobillas
- 10 tualettas
- 11 stanza da copiar e tecnica



Nies center da pleiv sesanfla el quartier Mustér-Raveras, contonschibels a pei en tschun minutas naven dalla staziun. Cun auto contonschis Vus il center sur la Via dalla Staziun e la Via Cavardiras. In diember limitau da parcadis stat a Vossa disposiziun.




# Reglament da diever ed uorden da casa per il center da pleiv AUA VIVA a Mustér-Raveras


- ◆ La Pleiv evangelica-reformada dalla Cadi ei purtadara dil center AUA VIVA. Il center ei mintga di aviarts per visitadras e visitaders. Ultra dil basegns dalla pleiv senza stat il center era a disposiziun per locataris.
- ◆ Suandontas localitads ed infrastruttura tecnica ein avon maun:
  - Sala polivalenta cun meisas e sutgas per 80 personas. La sala selai sparter en dus locals e foyer
  - Indrez ordeifer e terrassa
  - CuschinaInfrastructura tecnica:
  - Retroprojectur (projectur da folias)
  - Projectur da dias
  - Indrez da video cun beamer ed access d'internet
  - Indrez da disc cumpact
  - fotocopiader
  - tabla „flip-chart“
- ◆ Annunziei Vossas occurrenzas agl uffezi parochial reformau (Tel. +41 (0)81'947 44 10, info@auaviva-cadi.ch). Per l'utilisaziun presentein nus in contract ed incassein ina taxa. Ils prezis per occurrenzas/cuors/seminaris vegnan fixai per di resp. per 24 uras ed ein indicai el contract. Midadas da prezi a consequenza da carischia sco era midadas da cuosts da menaschi ein resarvai.
- ◆ Il dretg da diever gratuit dil center han:
  - Commembers dalla Pleiv evangelica-reformada inagada ad onn, sulettamein per occasiuns privatas sco fiastas familiaras etc.
  - Instituziuns e pleivs dalla Baslegia evangelica-reformada dil Cantun Grischun
  - Fundaziun ecumena Tür auf – mo vinavon
  - Pleivs catolicas dalla CadiIl dretg da diever per miez prezi han:
  - tgi che paga per part taglia ella Cadi ed ei commember dalla Baslegia reformada, inagada ad onn sulettamein per occasiuns privatas sco fiastas familiaras etc.
- ◆ Igl access allas stanzas succeda sur l'entrada dalla terrassa. Igl endrizzar las localitads sco era il far uorden suenter l'occurrenza ein cauza dil locatari sez en cunvegnientscha cun la pedella. Localitads ed indrezs ein da duvrar cun quita e risguard. Donns e tartignadas extraordinarias ein dad indemnisar supplementar-mein. **Fimar ellas localitads ei buca lubiu.**
- ◆ Il locatari fixescha **sil pli tard treis dis avon l'occurrenza** cun la pedella **dunna Heidi Bisquolm-Burkhardt, Tel.: 081 947 43 96 / 079 503 63 36** il termin exact cu surpender las localitads. La partiziun dil local tenor basegns ha liug entras la pedella cunquei che las preits moviblas astgan vegnir muentadas mo dad ella. Il locatari retscheiva medemamein dad ella meisas e sutgas ni apparatusas tecnicas tenor giavisch sco era las clavs per las localitads. **La surdada dallas localitads** suenter l'occurrenza succeda a medema moda e maniera.

- ◆ Suenter l'occurrenza vegnan las meisas e sutgas mantunadas. La vischala ei da lavar giu e da rumiar ellas scaffas. La maschina da lavar giu ei da schubergiar. Restonzas da vivondas e bubrondas sco era sacs pleins da miarda ein da prender cun ins. Per la surdada dallas localitads alla pedella han ellas dad esser schubras. Nus supplichein d'allontanar eventuels rumians sin igl intschess ordeifer.
- ◆ Duessen localitad ni inventari prender donn duront Voss'occurrenza, fagei aschi bien ed annunziei quei alla pedella a caschun dalla surdada. Donns pli pigns sco per exempel vischala rutta saveis Vus pagar directamein ad ella. Donns pli gronds san vegnir reglai entras vossa assicuranza da responsablada civila. Il proxim utilisader dalla casa vegn ad esser cuntents ed engrazieivels sche tut ils indrezs funcziunan cumpleinamein.
- ◆ Per Vos vehichels stattan ils parcadis alla via dil quartier Via Raveras avon la punt a disposiziun. Velos e mopeds vegnan medemamein deponi leu. Nus supplichein da parcar negins vehichels davos casa ni sin la via tschocca enviars la spunda. Els barricadeschan leu la via d'access als vischins.
- ◆ Sco indrezs ordeifer stattan **sulettamein** la terrassa avon la sala ed il prau dalla vart dalla spunda dil center dalla pleiv a Vossa disposiziun. Nus supplichein da respectar ch'il sectur davon e davos la casa vischina sco era la cuort interna san buca vegnir duvrai.
- ◆ Igl ei capeivel ch'il puoz envida cunzun la stad ils affons a far termagls e far bogn. El ei denton buca concepius sco puoz per far bogn mobein sco biotop ed aschia - era per l'amur dalla qualidad dall'aua - buca adattaus per far bogn. Ils animals e las plantas dall'aua che vivan lien selaian bugen contemplar. Denton apprezzieschan els il ruaus usitau en lur ambient. Els duein buca vegnir pescai ni tratgs ord lur puoz.
- ◆ A caschun d'occurrenzas dalla sera ni dalla notg supplichein nus Vus da risguardar, che canera **sin intschess ordeifer sto vegnir evitada suenter las 22.00 uras**. Ils habitonts dils quartiers Raveras e Carcarola engrazian persuentar. Las localitads internas ein bein isoladas, aschia che era musica pulit dad ault ei buca problem cura che escha e finiastras ein serrai.
- ◆ Sche Vus haveis interess dad ina ni l'otra revista che stat a disposiziun el foyer, saveis Vus bugen far diever da tala. Ils cudischs ella pintga biblioteca stattan a disposiziun per l'utilisaziun el center dalla pleiv, san denton era vegnir empristai. Sche Vus giavischeis da prender cun Vus in cudisch, saveis Vus informar la pedella.
- ◆ Da temps en temps han exposiziuns d'art liug el center dalla pleiv. Sche Vossa occurrenza croda gest en quei temps dad in'exposiziun, supplichein nus Vus dad esser precauts cun maletgs ni objects.

Nus giavischein a Vus ina biala fiasta ed in'occurrenza plein success. Bugen udin nus da Vus, sche nossa casa ha plaschiu a Vus ni sche vus haveis da remarcar zatgei.



**Sil pli tard treis dis avon l'occurrentza  
semetter en contact cun la pedella  
dunna Heidi Bisquolm-Burkhardt,  
Tel.: 081 947 43 96/ 079 503 63 36.**



## **Contract e cunfirmaziun da reservaziun pil diever dil centrum AUA VIVA**

**denter:** Pleiv evangelica-reformada dalla Cadi, Via Raveras 25,  
7180 Disentis/Mustér, tel./fax: 081 947 44 10, info@auaviva-cadi.ch  
Conto: GKB IBAN: CH47 0077 4155 1114 1310 0

**e:**

num dalla gruppa / digl organisatur.....

diever / occurrentza.....

diember da participonts (ca.).....

datum previu.....

temps da.....tochen.....

responsabel/la: num, prenum.....

adresa.....

tel/fax/e-mail.....

**Localitads** (cruschar tenor giavisch)

- |  |              |              |
|--|--------------|--------------|
| <input type="checkbox"/> sala polivalenta e foyer per di/24 uras | <b>prezi</b> | <b>total</b> |
| <input type="checkbox"/> cuschina                                | 150.--       |              |
|  | 75.--        |              |

**Infrastructura tecnica**

- |   |      |  |
|---|------|--|
| <input type="checkbox"/> retroprojectur (projectur da folias),<br>projectur da dias, indrez da video e da<br>disc cumpact, beamer, internet | 30.— |  |
|---|------|--|

\_\_\_\_\_

=====


La summa ei da transferir avon l'entschatta dall'occurrentza cun il formular da pagament aschuntau. Eventualas copias à -.20 fr ein da pagar directamein en cassa da „confidanza“ sper il copiader.

### **Jeu acceptel il reglament da diever ed igl uorden da casa!**

Mustér, ils.....

il locatari.....il locatur.....





IS Sut

Sut Gliendas  
Via Catins

Via Cons

Via da scola



Via Veglia

Via Luc Magagn

Via Alpsu

Via Clausttra



Via dalla Staziun

Gassa Gronda  
Via Curtin

AUA VIVA  
Parkplatz

Via Sursu

Via dalla Stampa

Via Davo

